

四庫類書叢刊

古今事文類聚

三



四庫類書叢刊

古今事文類聚

祝
穆撰

(三)

上海古籍出版社

欽定四庫全書

子部
古今事文類聚卷一

正軒丁... 欽定四庫全書

詳校官中書 臣孫衡

侍讀 臣孫球覆勸

總校官編修 臣王燕緒

校對官中書 臣潘奕雋

膳錄監生 臣徐莊

欽定四庫全書



宋 祝穆 撰

都鄙官匠人管園方九里旁三門國中九經九緯塗
九軌左祖右社面朝後市官制國不過千乘都城不過
百雉坊凡邑有宗廟先君之主曰都無曰邑左京師者
天子之居也京大也師眾也公羊天子畿方千里曰甸
服甸服之內曰京師世天子所官曰都世崑崙東南方
五千里謂之神州中有和羹鄉方三千里五岳之城帝
王之宅聖人所生也王崑崙東南有赤縣之州風
雨有時寒暑有節曰非此土南則多暑北則多寒東則

欽定四庫全書

多陰故聖人不處焉采術天子以四海為家故所居曰

行在所漢書

詩句壯哉帝王居佳麗珠百城曹植江南佳麗地金陵帝

王州謝朓地即帝王宅山為龍虎盤李白山河壯帝居

陳後主長安開繡陌陳豎

古今事實

歷代所部

伏羲部陳神農亦都陳陳今又營曲阜今充黃帝都涿

欽定四庫全書

古今事文類聚

二

鹿今幽州或云有熊今鄭州少昊都窮桑北顓頊都高陽

在周為衛地帝嚳都亳一曰都高辛今僅堯始封於唐

後徙晉陽即帝位都平陽唐今定州晉陽今太原舜都蒲

阪今蒲州禹本封於夏為夏伯及舜禪都平陽或在安邑

在蒲州按尚書五子之歌曰惟彼陶唐有此冀方言堯舜

至高及太康皆在冀州界少康中興而後遷舊都湯都

亳殷都有三亳較熟為南亳即湯都蒙為北亳即景亳

至仲丁遷囂或曰教今河南河亶甲居相今相州祖乙居

耿在河東及盤庚五遷復南都亳之殷地則西亳也周文

王都豐武王都鎬今京兆周公相成王以豐鎬偏處西

方土貢不均乃營洛邑今東成王即洛邑建明堂朝諸

侯復遷豐鎬至幽王為天戎所殺平王東遷乃居洛邑

及敬王時又遷成周今洛陽故秦非子始封於秦今在

孝公徙咸陽漢都長安東觀漢記曰光武中興都洛陽

又於南陽置南都三國時魏略云魏以長安燕許昌鄴

洛陽為五都吳志云吳都郢後遷建業蜀志云蜀都成

都晉書晉都洛陽至永嘉南居建康宋齊梁陳並居建

康梁元帝及後梁蕭卷又別居江陵晉亂有十六國各

建都邑隋都長安煬帝遷洛陽唐都長安帝王

在德不在險

魏武侯浮西河而下顧謂吳起曰美哉山河之固此魏

國之寶也起對曰在德不在險昔三苗氏左洞庭右彭

蠡德義不修禹滅之夏桀之居左濟河右泰華伊闕在

其南羊腸在其北修政不仁湯放之商紂之國左孟門

右太行常山在其北大河經其南修改不德武王殺之
由此觀之在德不在險若君不修德舟中之人皆敵國
也

秦都之固

秦孝公據崤函之固擁雍州之地始皇踐華為城因河
為池據億丈之城臨不測之淵以為固天下已定自以
為關中之固金城千里子孫帝王萬世之業也

曾生論秦

形勝之國也帶山阻河縣隔千里持戟百萬秦得百二

欽定四庫全書

古今事文類聚卷之四

四

為地勢便利其下兵於諸侯譬猶居高屋之上建瓴水

也北秦皇無天下都咸陽渭水貫都以象天漢橫橋南

渡以法牽牛三輔黃圖

漢都形勢

漢書劉敬說上都關中上疑之左右大臣皆山東人多
勸上都洛陽曰東有成皋西有崤澠背河向洛其固亦
可足恃張良曰洛陽雖有此固其中小不過數百里地
薄四面受敵此非用武之國夫關中左崤函右隴蜀沃

野千里南有巴蜀之饒北有胡羌之利阻三面而守獨
以一面東制諸侯此所謂金城千里天府之國

吳都形勢

張紘言於孫權曰秣陵楚武王所置名為金陵秦始皇
時望氣者云金陵有王者氣故掘斷連岡改名秣陵有
別小江可以貯船宜為都邑劉備勸都之自京口遷都
焉吳錄孫皓初童謠云寧飲建业水不食武昌魚歸建业

死不就武昌居乃遷都建业宋志諸葛亮至京口因觀秣

欽定四庫全書

古今事文類聚卷之五

五

陵山阜歎曰鍾山龍盤石頭虎踞此帝王之宅

吳錄

關中形勢

陸贄奏今之關中古邦畿千里之地王業根本於是在
焉秦得用之以傾諸侯漢嘗因之以定四海蓋由憑山
河之形勢宅田里之上腴弱則內保一方當天下無事
可以養力俟時強則外制東夏據域中之大可以蓄威
昭德

古今文集

雜著

兩都賦序

班孟堅

或曰賦者古詩之流也昔成康沒而頌聲寢王澤竭而詩不作大漢初定日不暇給至於武宣之世乃崇禮官考文章內設金馬石渠之署外興樂府叶律之事以興廢繼絕潤色鴻業是以眾庶說豫福應尤盛白麟赤鳳芝房寶鼎之歌薦於郊廟神雀五鳳甘露黃龍之瑞以為年紀故言語侍從之臣若司馬相如吾丘壽王東方朔

欽定四庫全書

古今事文類聚

六

枚臯王褒劉向之屬朝夕論思日月獻納而公卿大臣御史大夫倪寬太常孔臧太中大夫董仲舒宗正劉德太子太傅蕭望之等時時間作或以抒下情而通諷諭或以宣上德而盡忠孝雍容揄揚著於後嗣抑亦雅頌之亞也故孝成之世論而錄之蓋奏御者千有餘篇而後大漢之文章炳焉與三代同風且夫道有宏隆學有麗密因時而建德者不以遠近易則故車陶歌虞美斯頌魯同見采於孔氏列於詩書其義一也稽之上古則

如彼考之漢室又如此斯事雖細然先臣之舊式國家

之遺美不可闕也臣竊見海內清平朝廷無事京師修

宮室浚城隍而起苑囿以備制度西土耆老感懷怨思

冀上之矚顧而盛稱長安舊制有陋雒邑之故故臣作

兩都賦以極眾人之所眩矇折以今之法度其詞曰

西都賦

有西都賓問於東都主人曰蓋聞皇漢之初經營也嘗有意乎都河洛矣輟而弗康寔用西遷作我上都主人

欽定四庫全書

古今事文類聚

七

聞其故而親其制乎主人曰未也願賓摭懷舊之蓄念發思古之幽情博我以皇道弘我以漢京賓曰唯唯漢之西都在於雍州寔曰長安左據函谷二嶂之阻表以太華終南之山右界褒斜隴首之險帶以洪河涇渭之川眾流之隈沂涌其西華實之毛則九州之上腴焉防禦之阻則天地之隩區焉是故橫被六合三成帝畿周以龍興秦以虎視及至大漢受命而都之也仰悟東井之精俯協河圖之靈春建策留侯演成天人合應以

發皇明乃眷西顧寔惟京於是睇秦嶺瞰北阜挾漣
瀾據龍首圍皇基於億載度宏規而大起肇自高而終
平世增飾以崇麗歷十二之延祚故窮奢而極侈建金
城之萬雉呀周池而成淵披三條之廣路立十二之通
門內則街衢洞達閭閻且千九市開場貨別隄分人不
得顧車不得旋闌城溢郭旁流百屋紅塵四合烟雲相
連於是既庶且富娛樂無疆都人士女殊異乎五方游
士擬於公侯列肆侈於姬姜鄉曲豪舉遊俠之雄節慕

欽定四庫全書

古今事文類聚

八

原常名亞奉陵連交合衆駑駘乎其中若乃觀其四郊
浮遊近縣則南望杜霸北眺五陵名都對郭邑居相承
英俊之域拔冕所興冠蓋如雲七相五公與乎州郡之
豪傑五都之貨殖三選七遷充奉陵邑蓋以強幹弱枝
隆上都而觀萬國封畿之內厭土千里卓犖諸夏其
所有其陽則崇山隱天幽林穹谷陸海珍藏蓋田美玉
商洛緣其限郭戶杜濱其足源泉灌注陵池交屬竹林
果園芳草甘木郊野之富號為近蜀其陰則冠以九峻

陪以甘泉乃有靈宮起乎其中秦漢之所極觀淵雲之
所頌歎於是乎存焉下有鄭白之沃衣食之源提封五
萬疆場綺分溝塍刻鏤音亦錫音兩荷插成雲五穀垂穎桑麻鋪荼東郊則有通溝大漕
清渭洞河汎舟山東控引淮湖與海通波西郊則有上
園禁苑林麓敷澤陵池連乎蜀漢線以周牆四百餘里
離宮別館三十六所神池靈沼往往而在其中乃有九
真之麟大宛之馬黃支之犀條枝之烏踰崑崙越巨海

欽定四庫全書

古今事文類聚

九

殊方異類至于三萬里其宮室也體象乎天地經緯乎
陰陽據坤靈之正位倣太紫之圓方樹中天之華闕豐
冠山之朱堂因壞材而究奇抗應龍之虹梁列莽楹以
布翼荷棟椽而高驥雕玉碩以居樞裁金壁以飾瑞發
五色之暎彩光爛朗以景彰於是左城右平重軒三階
閨房周通門閨洞開列鍾虞於中庭立金人於端闈仍
增崖而衝閭臨峻路而啓扉狗以離宮別寢承以崇臺
間館煥若列宿紫宮是環清涼宣溫神仙長年金華玉

堂白虎麒麟匾宇若茲不可殫論增盤崔嵬登降焰爛
殊形詭制每各異觀乘茵步輦惟所息宴後宮則有掖
庭椒房后妃之室合歡增城安處常寧若椒風披香
發越蘭林蕙草鴛鴦飛翔之列昭陽特盛隆於孝成屋
不呈材牆不露形哀以藻繡絡以綸連隋侯明月錯落
其間金缸銜壁是為列錢翡翠火齊流耀含英懸黎壺
棘夜光在焉於是玄璵鉅砌玉階彤庭碾碾綵綴琳珉
青菱珊瑚碧樹周阿而生紅羅颺纒綺組繡紛精曜華

欽定四庫全書

古今事文類聚卷之十

十

燭俯仰如神後宮之號十有四位窈窕繁華更盛迭貴
處乎斯列者蓋以百數左右庭中朝堂百寮之位蕭曹
魏邴謀謨乎其佐命則垂統輔翼則成化流大漢之
愷悌盪七秦之毒螫故今斯人揚榮和之聲作畫一之
歌功德著乎祖宗膏澤洽乎黎庶又有天祿石渠典籍
之府命夫悼誨故老名儒師傅講論乎六藝稽合乎同
異又有承明金馬著作之庭大雅宏遠於茲為羣元元
本本殫見洽聞啓發篇章校理秘文周以鈞陳之位銜

以嚴更之署總禮官之甲科羣百郎之廉孝虎賁贊衣
闕尹闕寺陸戟百重各有典司周廬千列徹道綺錯肇
路經營修除飛閣自未央而連桂宮北彌明光而亘長
樂陵塏道而趨西墉提建章而連外屬設壁門之鳳闕
上觚稜而棲金爵內則別風一名嵯峽折風一名嵯峽眇麗巧而聳擢
張千門而立萬戶順陰陽以開闔爾乃正殿崔嵬層楹
厥高臨乎未央經駘盪而出馭蘇合安蘇可洞粉鳥詣以與天
梁上反宇以蓋戴激日景而納光神明鬱其特起遂假

欽定四庫全書

古今事文類聚卷之十

十一

蹇而上躋軼雲雨於太半虹霓迴帶於旒褕雖輕迅與
傑狡猶愕眙而不能階蔡并幹而未半目眩轉而意迷
捨襦襜而卻倚若顛墜而復稽魂怳怳以失度巡迴塗
而下低既憇懼於登望降周流以榜徨步甬道以縈紆
又杳窳而不見陽排飛閣而上出若遊目於天表似無
依而洋洋前唐中而後太液覽滄海之湯湯揚波濤於
碣石激神岳之將將濫瀛洲與方壺蓬萊起乎中央於
是靈草冬榮木實生岩峻峭峙金石崢嶸抗仙掌以

承露擢雙立之金莖，軼埃瑤之混濁，鮮顛氣之清英，騁
文成之丕誕，馳五利之所刑，庶松喬之羣類，時遊從乎
斯庭，實列仙之攸館，非吾人之所寧，爾乃盛娛遊之壯
觀，奮太武乎上園，因茲以威戎，夸狄耀威靈，而講武事
命荆州，使起烏詔，梁野而驅獸，毛羣內聞，飛羽上覆，接
翼側足，集禁林而屯聚，水衝虞人，修其管，表種別羣，分
部曲，有署罟網，連絃龍山，格野列辛，周臣星羅，雲布於
是，乘鸞輿，備法駕，帥羣臣，披飛廉，入死門，遂旋鄴，鄙歷

欽定四庫全書

古今事考類聚

十三

上蘭六師發，逐百獸，駭殲震，震煥煥，雷奔電激，草木全
地山淵，反覆蹂躪，具十二三，乃拘怒而少息，爾乃期門
仗飛，列刃鑕，鏃要，跌追蹤，鳥驚觸絲，獸駭值鋒，機不虛
拮，弦不再控，矢不單殺，中必疊，雙颺颺，撲紛紛，增徽相
纏，風毛雨血，灑野蔽天，平原赤，勇士厲，狻狻，失木豺，狼
懾，竄爾乃移，師趨險，並蹈潛穢，窮虎奔突，狂兇觸，蹶許
少施，巧秦城力折，制持，標狡抗，猛噬，脫角控，腹徒，搏獨
殺，挾，師豹，拖熊，螭曳，犀犀，頭象，黑超，洞登，越峻，崖，歷，斷

巖，巨石顏，松柏，仆叢林，摧草木，無餘禽獸，吟夷，於是天
子乃登，屬王之館，歷長楊之榭，覽山川之體勢，觀三軍
之殺獲，原野蕭條，目極四裔，禽相鎮，壓獸相枕，藉然後
收禽會，衆論功，賜胙，陳輕騎，以行，魚騰酒車，以斟酌，割
鮮野食，舉烽命，醢臠畢，勞逸齊，大輅鳴鑿，容與徘徊，
集乎豫章之宇，臨乎昆明之池，左牽牛而右織女，似雲
漢之無涯，茂樹蔭蔚，芳草被隄，蘭茝發色，嘒嘒猗猗，若
搗錦，與布繡，鳩燿乎其陂，鳥則玄鶴，白鷺，黃鸝，鸕鶿，鷓鴣

欽定四庫全書

古今事考類聚

十三

鷓鴣，鸕鶿，鳧鷖，鴻鴈，朝發，河海，夕宿，江漢，沈浮，往來，雲集
霧散，於是後宮乘輅，登龍舟，張鳳蓋，建華旗，祛黼帷，
鏡清流，靡微風，澹浮，權女，詠鼓吹，震真聲，激越管，
厲天鳥，羣翔，魚窺，淵招白鷗，下雙鵲，掄文竿，出比目，撫
鴻，量御，增織，方舟，並駕，僊仰，極樂，遂乃風舉，雲搖，浮遊
溥覽，前乘，秦嶺，後越，九峻，東薄，河華，西涉，岐雍，宮館所
歷，百有餘區，行所朝夕，儲不改，供禮上下，而接山川，究
休祐之所，用采遊童之謹，謠第從臣之嘉，頌于斯之時

都都相望邑邑相屬國藉十世之基家承百年之業士
食舊德之名氏農服先疇之畝訟商修族世之所需工
用高魯之規矩繁乎隱隱各得其所若臣者徒觀迹於
舊墟聞之乎故老十分未得其一端故不能徧舉也

東都賦

東都主人喟然而歎曰痛乎風俗之移人也子實秦人
矜夸館室保界河山信讖昭襄而知始皇矣愚睹大漢
之云為乎夫大漢之開元也奮布衣以登皇位錄數期

欽定四庫全書

古今事類賦類集

七

而創萬代蓋六籍所不能談前聖靡得而言焉當此之
時政有積而當天討有逆而順民故宴敬虔勢而厭其
說蕭公權宜而拓其制時豈泰而安之哉計不得以已
也吾子曾不是瞻顧曜後嗣之末造不亦聞乎今將語
予以建武之治永平之事監于太清以變子之惑志往
者王莽作逆漢祚中缺天人致誅六合相滅于時之亂
生民幾亡鬼神泯絕整無完袵郭閭蓬室原野靡人之
肉川谷流人之血秦項之災猶不克半言契以來未之

或記故下人號而上訴上帝懷而降監乃致命乎聖皇

於是聖皇乃握乾符開坤珍披皇圖稽帝文赫然發憤

應若興雲霆擊昆陽憑怒雷震其遂超大河跨北岳立

號高邑建都河洛拓百王之荒屯因造化之益濬體元

立制權天而作系唐統接漢緒茂育厚生恢復疆宇勲

蕪乎在昔事勤乎三五豈特方軌並迹紛綸后辟治近

古之所務蹈一聖之險易云爾哉且夫建武之元天地革

命四海之內更造夫婦肇有父子君臣初建人倫定始

欽定四庫全書

古今事類賦類集

七

斯迺伏羲氏之所以基皇德也分州土立市朝作舟車
造器械斯迺軒轅氏之所以開帝功也恭行天罰應天
順民斯迺湯武之所以昭王業也遷都改邑有殷宗中
興之則焉即土之中有周成隆平之制焉不階尺土一
人之柄同符乎高祖克已復禮以奉終始允恭乎孝文
憲章稽古封岱勒成儀炳乎世宗集六經而枚德眇古
昔而論功仁聖之事既該而帝王之道備矣至于永平
之際重熙而累洽盛三雍之上儀修象龍之法服鋪洪

漢信中景錄揚世廟正雅崇人神之和允洽君臣之序
既肅迺動大輅遵皇衢省方巡狩躬覽萬國之有無考
聲教之所被散皇明以燭幽然後增周舊修洛邑南極
巍顯翼翼光漢京于播夏總八方而為之極是以皇城
之內宮室光明闕庭神麗奪不可踰儉不能侈外則因
原野以作苑順流泉而為沼發蘋藻以潛魚豐園草以
毓獸制同乎梁鄒誼合乎靈囿若乃順時節而蒐狩簡
車徒以講武則必臨之以王制考之以風雅歷聽虛覽

欽定四庫全書

卷一百一十五

十一

駟鐵嘉車攻采吉日禮官整儀乘輿乃出於是發鯨魚
鏗華鐘登玉輅乘時龍鳳蓋萃麗和鑿玲瓏天宮景從
寢威盛容山靈攬野屬御方神雨師汎灑風伯清塵十
衆雷起萬騎紛耘元戎竟野戈鋌雲翔旂掃電旌旗
拂天焱焱炎火揚光飛文吐爛生風使野歎山日月為
之奪明丘陵為之搖震真遂集乎中園陳師業屯駢部
曲列校隊勒三軍誓將帥然後舉烽伐鼓申命三驅輕
車靈發駿騎雷奮由基發射范氏施御弦不暇禽豈不

詭遇飛者未及翔走者不及去指顧倏忽獲車已實樂
不極般般不盡物馮蹠餘足士怒未湊先驅後路屬車
乘節於是薦三犧效五牲禮神祇億百靈御明堂臨辟
雍揚焜熙宣皇風登靈臺考休徵俯仰乎乾坤參象乎
聖躬目中夏而布德職四裔而抗稜西盭河源東滄海
滑北動幽崖南耀朱垠殊方別區界絕而不鄰自孝武
之所不征孝宣之所未臣莫不陸轡水懷奔走而來賓
遂接表牽開永昌春王三朝會同漢京是日也天子受

欽定四庫全書

卷一百一十五

十一

四海之圖籍膺萬國之貢珍內撫諸夏外綏百蠻爾乃
盛禮興樂供帳置乎雲龍之庭陳百條而簪履后究皇
儀而展帝容於是庭實千品旨酒萬鍾列金罍班玉觴
嘉珍御太宰享蘭乃食琴雍徹太師奏樂陳金石布絲
竹鐘鼓鏗鈞管弦擘攄焄抗五聲極六律歌九功舞八佾
韶武備泰古畢四夷間奏德廣所及傑樂休音梵離罔
不畢集萬樂備百禮暨皇歡浹羣臣醉降煙燭調元氣
然後撞鐘告罷百條遂退於是聖上親萬方之歡娛久

沐浴乎膏澤懷其侈心之將萌而息於東作乃申舊章
下明詔命有司班憲度昭節儉示太素去後宮之麗飾
損乘輿之服御抑工商之淫業興農桑之上務遂令海
內素末而反本背偽而歸真女修織紉男務耕耘罷用
陶匏服尚素玄恥織靡而不服賤奇麗而不珍捐金於
山沈珠於淵於是百姓滌瑕盪穢而鏡至清形神寂寞
耳目不營嗜欲之源滅庶恥之心生莫不優游而自得
玉潤而金聲是以四海之內學校如林庠序盈門獻酬
欽定四庫全書

古今事文類聚卷之六

六

交錯俎豆莘莘下舞上歌蹈德詠仁登降饌宴之禮既
畢因相與嗟歎主德謹言孔說咸含和而吐氣頌曰盛
哉乎斯世今論者但知誦虞夏之書詠殷周之詩講義
文之易論孔氏之春秋罕能精古今之清濁究漢德之
所由唯子願識舊典又徒馳騁乎末流温故知新已難
而知德者鮮矣且夫僻界西戎險阻四塞修其防禦孰
與處乎土中平夷洞達萬方輻湊秦嶺九峻涇渭之川
昌若四瀆五岳帶河沂洛圖書之淵建章甘泉館御列

仙孰與靈臺明堂統和天人太液昆明鳥獸之圃曷若
辟雍海流道德之富游俠踰侈犯義侵禮孰與同履法
度翼翼濟濟子徒習秦阿房之造天而不知京洛之有
制識函谷之可關而不知王者之無外主人之辭未終
西都賓豐然失容逡巡降階悚然意下捧手欲辭主人
曰復位今將授子五篇之詩實既卒業乃稱曰美哉乎
斯詩義正乎揚雄事實乎相如匪唯主人之好學蓋乎
遭遇乎斯時小子狂簡不知所裁既聞正道請終身而
誦之其辭曰

欽定四庫全書

古今事文類聚卷之六

六

明堂詩

於昭明堂明堂孔陽聖祖宗祀穆穆煌煌上帝宴饗五
位時序誰其配之世祖光武普天率土各以其職猗與
緝熙允懷多福

辟雍詩

迺流辟雍辟雍湯湯聖皇莅止造舟為梁幡幡國老乃
父乃兄抑抑威儀孝友光明於赫太上示我漢行鴻化

惟神永觀厥成

靈臺詩

迺經靈臺靈臺既崇帝勤時登爰孝休徵三光宣精五行布序習習祥風祁祁甘雨百穀泰蒸庶蕃著屢屢惟豐年於皇樂胥

寶鼎詩

嶽修貢兮川效珍吐金景兮歛浮雲歛氣出貌寶鼎見火騎反

兮色紛緜煥其炳兮披龍文登祖廟兮享聖神昭靈德

欽定四庫全書

古今事文類聚精華

子

兮彌億年

白雉詩

啓靈篇兮披瑞圖獲白雉兮效素烏嘉祥罕兮集皇都發皓羽兮奮翹英容深朗兮於淳精彰皇德兮俾周成永延長兮膺天慶

西京賦

張平子

有憑虛公子者心參體收雅好博古學乎舊史氏是以多識前代之載言於安處先生曰夫人在陽時則舒在

陰時則慘此牽乎天者也處沃土則逸處瘠土則勞此

繫乎地者也慘則勤於歡勞則禱於惠能違之者寡矣

小必有之大亦宜然故帝者因天地以致化兆民承上

教以成俗化俗之本有與推移何以最諸秦據雍而彊

周即豫而弱高祖都西而秦光武處東而約政之興衰

常由此作先生獨不見西京之事歟請為吾子陳之漢

氏初都在渭之涘秦里其朔寔為咸陽左有函嶺重險

桃林之塞綴以二華巨靈鼎鎮高堂遠蹠以流河曲厥

欽定四庫全書

古今事文類聚精華

子

跡猶存右有壘城之隘隔閭華戎岐梁汧雍陳寶鳴雞

在焉於前則終南太一隆崛崔嵬隱轡鬱律連岡乎嶠

冢抱社合郭欲澶吐鎬爰有藍田珍玉是之自出於後

則高陵平原據渭路涇澶漫靡迤作鎮於近其遠則有

九峻甘泉涸陰馭寒日北至而含凍此焉清暑爾乃廣

衍沃野厥田上上寔為地之奧區神皋自古以雍州精

立時郊上帝諸神祠皆聚之廣雅曰皋局也高神明之陔故

胡神明之界局也又曰奧美也澤畔曰皋昔者大帝

悅秦繇公而觀之饗以鈞天廣樂帝有醉焉乃為金粟

錫用此土而翦諸鵠首是時也並為強國者有六然而

四海同宅西秦豈不詭哉自我高祖之始入也五緯相

汁一作叶以旅于東并妻敬委輅幹非其議天啓其心人

患其之謀及帝圖時意亦有慮乎神祇宜其可定以為

天邑豈伊不虔思於天衢豈伊不懷歸於粉榆天命不

滔嚙敢以渝於是量徑輪考廣表經城涵管郭郭取殊

裁於八都豈稽度於往舊闕乃覽秦制跨周法狹百堵

之側墮增九筵之迫脅正紫宮於未央表峻闕於閭闔

欽定四庫全書

疏龍首以抗殿狀堯峨以岌業亘雄虹之長梁結夔捺

以相接帶倒茹於藻井披紅氈之狎獲飾華棟與璧瑤

流景曜之輝曜雕楹玉碣繡栢雲指三階重軒鏤檻文

掖右平左域青瑣丹墀刊層平堂設切厓隄砥瑤鱗胸

棧巖岷岷峩岸崇塗修路峻險重門數固悉究是防仰

福帝居陽曜陰藏洪鍾萬鈞猛虞趨越負負崇而餘慈

乃奮翅而騰驟朝堂承東溫調延北西有玉臺勝以昆

德以上皆殿名嵯峨峻嶒周識所則若夫長年神仙宣室玉

堂麒麟朱鳥龍輿金章皆殿名警衆更之環北極叛列赫

戲以輝煌正殿路寢用朝堂辟大廈耽耽九戶開闢嘉

木樹庭芳草如積高門有闕列坐金狄內有常侍謁者

奉命當御外有蘭臺金馬逸宿迭居次有天祿石渠校

文之處重以虎威查溝嚴更之暑敬道外周千廡內附

衛尉八屯警夜巡畫植鐵懸獄用戒不虞後宮則昭陽

飛翔增成合驪蘭林披香鳳凰鸞聲窈窕之華麗嗟

內顧之所觀故其館室次舍采飾攝得表以藻繡文以

欽定四庫全書

朱綠翡翠火齊格以美玉流懸黎之夜光綴隋珠以為

燭金泥玉階彤庭輝輝珊瑚碧瑤珉珠玕珍物羅生

煥若昆崙崑崙殿載之不廣侈靡踰乎至尊於是鈞陳之

外閣道宮寢屬長樂與明光徑北通於桂宮命般爾之

巧匠盡變愈乎其中於是後宮不移崇不徒懸門衛供

帳官以物辨志意所幸下豎成燕窮年忘蹄猶弗能徧

現異日新殫所未見惟帝王之神麗懼尊卑之不殊雖

斯宇之既坦心猶憑而未掩思比象於紫微恨阿房之

不可虛覲朕往昔之遺館獲林光於秦徐處甘泉而爽

壇乃隆崇而弘敷既新作於迎風增靈寒與儲骨託喬

基於山岡直崢寬以高居通天妙妙以疎峙徑百常而

莖擢上辨華以交紛下刻階其若削翔鷗仰而弗逮况

青島與黃雀伏樞檻而頽聽聞雷霆之相激栢梁既災

越巫陳方建章是經用厭火祥營宇之制事燕未央圍

闕疎以造天若雙碣之相望鳳簫者於鸞標威迴風而

欲翔閭闔之內別風嶮峻何工巧之瑰瑋交綺詔以疏

欽定四庫全書

古今事文類聚卷五十五

察千雲霧而上達狀亭亭以茗茗神明崛其特起并幹

疊而百增峙遊極於浮柱結重梁以相承累層構而遂

階望北辰而高興消零埃於中宸集重陽之清激瞰宛

虹之長髻察雲師之所憑上飛聞而仰眺正觀瑤光與

玉繩將乍往而未半怵悼慄而蒼荒非都虛之輕趨孰

能起而究升馭姿可駘盪名燾昇結築形於詣承光名

睽累序詔形增將重葺鈔鈔列反宇業業飛檐轍轍

流景內照引曜日月天梁之宮定開高閑旗不脫扃結

駟方斬鏢輻輳驚容於一扉長廊廣廉連閣雲曼閉庭

詭異門千戶萬重閨幽闔轉相逾延望霄窳以徑廷眇

不知其所返既乃珍臺臺產以極壯瑩道遺倚以正東

似閣風之迴坂橫西洳而絕金瑤城尉不弛拆而內外

潛通前開唐中彌望廣豫顧臨太液滄池濟沆漸臺立

於中央赫眈眈以弘敞清淵洋洋神山裁我列瀛洲與

方丈夾蓬萊而駢羅上林岑以出巢下斬巖以出巖長

風激於別島起洪濤而揚波浸石齒於重涯濯靈之以

欽定四庫全書

古今事文類聚卷五十五

朱柯海若遊於玄渚鯨魚失流而蹉跎於是采少君之

端信撫樂大之貞固立修莖之仙宇承雲表之清露屑

瓊葉以朝餐必性命之可度美往昔之松喬要羨門乎

天路想升龍於鼎湖豈時俗之足慕若歷世而長存何

遼管乎陵墓徒觀且城郭之制則旁開三門參蓬夷庭

方軌十二街衛相經厘里端直臺宇齊平北闕甲第當

道直啓程巧致功期不陟陟多木衣綈錦土被朱紫武

庫禁兵設在簡鑄匪石匪豈豈鳴宅此爾乃廓開

九市通關帶闌旗亭五重俯察百隄周制大胥今也惟

尉瓌貸方至鳥集鱗萃需者無贏求者不匱爾乃商賈

百族裨販夫婦鬻良雜苦蚩眩邊鄙何必昏電於作勞

邪羸優而足時彼肆人之男女麗美奢乎許史若夫翁

伯濁質張里之家翁伯以販脂而傾縣邑濁氏以胃腸而連場質氏以洗劑而鼎食張里以

馬醫而擊鐘鼎食連騎相遇東京公侯壯何能加都邑

遊俠張趙之倫齊志無忌擬跡田文輕死重氣結黨連

厚實蕃有徒其從如雲茂陵之原涉陽陵之朱安趙悍

欽定四庫全書古今事文類聚卷五十五

地豁如虎如鯢睚眦薑芥屍僵路隅丞相欲以贖子罪

陽石汚而公孫誅若其五縣遊麗辨論之士街談巷議

彈射臧否剖析毫釐摩迫肌分理所好生毛羽所忌成

瘡瘡郊甸之內鄰邑殷隱賑於五都貨殖既遷既引商

旅聯榻隱隱展宸冠帶交錯方輦接軫封畿千里統以

京尹郡國官館百四十五右極蓋知屋知并卷鄆郭戶

左暨河華遂至瓠土上林禁苑跨谷彌阜東至鼎湖斜界細柳掩長楊而聯五柞繞黃山而飲牛首綠垣繚聯

四百餘里植物斯生動物斯止衆鳥翩翻羣獸駘馳

走行散似驚波聚似京峙伯益不能名諫首黃帝不能

紀林麓之鏡子何不有未則樾栝搜桐梓槭楓嘉卉

灌叢蔚若鄴林鬱鬱菱葑蕭爽蕭栊蕭吐葩颺榮布紫

垂陰草則歲莎菅薇蕨蕨荔光王芻苗臺苗戎葵懷羊

笨葦蓬葦彌泉被回篠蕩敷行編町成莖山谷原隰決

泝無疆迺有昆明靈沼黑水玄阨周以金隄樹以柳杞

豫章珍館揭焉中峙牽牛立其左織女處其右日月於

欽定四庫全書古今事文類聚卷五十五

是乎出入象扶桑與濛汜其中則有鼉鼉巨鼉鱣鯉鱣

銅鮪鯢鰐修額短項大口折鼻詭類殊種鳥則鶴鷄

鵠鴉鴛鴦鴻鸚上春候來季秋就温南翔衡陽北棲雁

門奮隼歸昆沸卉并射象形殊聲不可勝論於是孟冬

作陰寒風肅殺雨雪飄飄水霜慘烈百卉零剛蟲蟄

擊爾乃振天維行地絡蕩川瀆叢林薄鳥畢駭獸咸作

草伏木棲寓居穴託起彼集此霍繹紛泊在彼靈雨之中前後無有垠端虞人掌焉為之管域焚萊平場

柞木剪棘結罝百里_同杜蹊塞鹿鹿麋駢田偈仄
天子乃駕雕軫六駿駸戴翠帽倚金鞍奔玉纓遺光
條燦建玄戈樹招搖棲鳴鳶曳雲梢孤旌柱矢虹旃蜺
旒華蓋承辰天畢前驅千乘雷動萬騎龍趨屬車之造
載獫狁獨獠匪翫好迺有祕書小說九百本自虞初從
容之求寔侯寔儲於是蚩尤秉鉞奮鬣被殷禁禦不若
順以知神姦魁魁題題莫能逢旃陳虎旅於飛鷹正豐

壁乎上蘭結部曲整行伍燔京薪賊雷鼓縱獵徒赴長

欽定四庫全書

古今事文類聚卷五

三六

莽迺卒清侯武士赫怒緹衣棘韜昨野拔危光炎燭天
庭翼聲震海浦河渭為之波盪吳嶽為之墮堵堵百禽
悽遑駭瞿奔觸喪精亡魂失歸志趨投輪關輻不邀自
遇飛罕攔前朔流鎬掩昔擗補矢不虛舍鉞不苟躍當
足見碾值輪被轢歷僵禽斃獸爛若碣磔但觀置羅之
所罾結竿及之所捏橫畢又族楚角之所撻掬徒搗之所
撞杻白日未及移晷已猶其十七八若夫遊鷗高葦絕
阮踰斥鳧免聯猿陵壘起壑比諸東郭莫之能獲乃有

迅羽輕足尋景追括鳥不暇舉獸不得發青骸告繫於
繯下韓盧噬於練未及其猛殺髮髯毛隅目高睚威懼

兕虎莫之敢仇乃使中黃名國之士有獲之疇朱冀莫亞切帶

髻頭髻作計切以麻韞髻植髮如竿袒裼戟手踉蹌

盤桓鼻亦象園巨誕捭狝胃批洋獫狁狡指積落

突棘藩梗林為之靡拉樛叢為之摧殘輕銳僕狡趨捷

之徒赴洞穴探封狐陵重嶽獵昆駘杪木未獲獬狁趨

殊榛掃飛絕是時後宮嬖人昭儀之倫常亞於乘輿慕

欽定四庫全書

古今事文類聚卷五

三九

賈氏之如皋樂北風之同車盤于遊畋其樂只且於是
鳥獸殫目觀窮遠延邪睨集乎長楊之宮息行夫展車
馬收禽舉尚數課眾寡置互擺牲頒賜獲虜割鮮野饗
犒勤賞功五軍六師千列百重酒車酌醴方駕授饗升
觴舉燧既鳴鐘膳夫馳騎察貳虛空察虛皆視也灸炮影
清醕致文亦多也皇恩溥洪德施徒御悅士忘疲巾車命駕
迴旆右移儀伴乎五柞之館旋憩乎昆明之池登豫章
簡去矰曾紅蒲且子發弋高鴻挂白鶴聯飛龍磻不特